

۱۸۹ نومرو (۱۴۰) ۱۱ جمادی الآخر ۱۳۲۰

(بازار)

۱ ایلول ۱۳۱۸ ایگنجی سنه

امور اداره و تحریریه سی ایچون
عالم مطبعه سنه مراجعت اولنق
لازمدر .

منافع ملک و دولته خادم و ادبیات
وفنون و معارف و صنایعدن
باحث هفته لاق غزته در .

صاحب امتیاز :

محمد اکرم

مجموعه ادبیات

۱۲۱۸

IHSAN SUNGU
KITAPLARI

غروش شرائط اشترا :

۲۰ برسنه لك آبونه بدلی { درسمادت

۱۲ القی آیلق » » { ایچون

۳۶ برسنه لك » » { طشره

۱۵ القی آیلق » » { ایچون

استانبول ایچون محل اقامت تعیین

ایدیلیرسه طشره فیثانی آلنیر .

۵۲ نومرو برسنه لك ، نصفی

آلتی آیلق اعتبار اولنور .

درج ایدلمیان آثار اعاده اولماز

نسخه سی ۲۰ پاره در

ونیش کونده بر نشر اولنور عثمانلی غزته سیدر

نسخه سی ۲۰ پاره در

طاشی ، هر عصر ك صنایع نفیسه سنه داخل اولمش و هیچ
بر زمان نظر اعتباردن دوشمه مشدر . بوراده ده ۵۰۰
معدنچی واردر .

کیکلی ده ۳ بیك قویودن ۱۰۰ ی ایشله مکده و
۴۰۰ معدنچی چالشمقده در .

بو اوچ محلدن بشقه برده منلی معدن قویولری
واردر که بوراده او قدر مهم اخراجات اولدینی ایچون
هر کس مجاًاً چیقاره بیلیمکده در . آنجق ۱۰۰ قدر معدنچی
کوريله بیلیر واونلرده ۲۰ قدر قویو ایشلتمکده در .

اسکیشهر معدن قویولری ایسه ۱۷۷۰ دانه در . کردلر
و عجملردن ده بولدینی حالده ده بیك معدنچی چالشمقده در .

لوله طاشنك صورت اخراجنه کلنجه : هر قویوده
ایکیدن نهایت ۱۵ کیشی به قدر موجوددر ، بونلرده برر
اوسته باشنك معینده در . اولاحفرایده جککری اراضی یی
بردازه ایله تفریق ایدرلر ؛ صوکره قیزمتراق بالچق
طبقه سی کورونجه به قدر طوپراغی قازارلر . ایشته لوله
طاشی به بوطبقه نك ایچنده در .

بعضاً لوله طاشی برقاج مترو قازیلنجه میدان چیقار ،
بعضاً آده پك درینلره اینك ایجاب ایدر . ۲۰ مترو
درینلکده طاش معدنه تصادف ایدلیدیکی کبی ۶۰ ، ۴۰
مترو درینلکده ایلمدکجه معدنك کوزو که دیکدی اولور .
لوله معدنی بوقیزمتراق چامور ایچنده چاقل طاشی
حالنده و غیر منتظم شکلرده بونلور که ۳۰ الی ۴۰ مکتب
سانتیمترو جسامتلری واردر . بویلری برکستانه
یو کسکلکنده و بعضاً ده برألما یو کسکلکنده اولور .

شاید انهای حفرده ماغنه زی معدنه تصادف ایدیلیرسه
اوزمان طوپراغی افقی قازمق ایجاب ایدر که بویك مشقتلی
برایشدر ؛ چونکه هر قازمه اوروشده آنجق ۵۰ غرامه
یقین بالچق قویاريله بیلیر . بوسبيله بعضاً بوافقی حفریات
۴۰۰ مترویه قدر اوزایوب کیدر . حفریاته کیجه لی
کوندوزلی دوام ایدیلیر ، وغاز لایه سی قولالیلیر .

معدن ، صاتیله جق قدر برکومه تشکیل ایدنجه
صاحبی طرفندن قولبه به چیقاریلیر . هر جمعه کونی
اسکیشهر ك تاجرلری کلوب بونلری صاتون آلیرلر .
اونلرده بومعدن پارچه لرینی درجه جسامتلرینه کوره

ایله سولنمه مش . کلیشی کوزل حکایه ایدیلیر مش .
یازیان شعر دکل اویونك زمینی ، دوشونولوشی شعر ۵۰۰
أوت اویون شعر ۵۰۰ و بو ایلك خیالات ، ناظمك
چو جوقاغنده مالک اولدینی میل واحتساس شاعرانه به
برمثال قویدر .

بر اوچنچی مقاله مزده « ایلك خیالات » دن ترجمه
آثاره نهایت ویره جك و « شاعرانه آهنکالر » ه باشلا .
به جغز .

— ۴ مایس ۳۱۸ ، ارن کوی —

م . سرور



منابع ثروتزدن

لوله طاشی

صنایعه قولالانیلان لوله طاشنك اك مهم قسمی
اسکیشهر دن چیقارلمقده در . صاری صو ، سیتیجی ،
کیکلی کبی مواقعه محلی اورمان اداره نندن بش غروشه
مقابل رخصتیه تذکره سی استحصال ایدلکدن صکره
هر کس بوطاش معدنی چیقاره بیلیر ؛ او قدر مبدولدر .
صاری صو لوله معدنلری اسکیشهر دن ۲۸ کیلومترو
مسافده واقعدر . یکریمی سنه دن بری ایشله مکده باشلامش
وسکزیبه که قریب قویو آچیلشمشدر . بونلردن ۲ بیکی
الیوم ۴ بیك معدنچی طرفندن ایشله دایکده در . بو
معدنچیلر کیجه لری بارمق ایچون بیکه یقین قولبه انشا
ایتمشلدور .

هفته ده بردفمه بازار قورولور ؛ چیقاریلان لوله
طاشلری اوراده صاتیلیر .

سیتیجی ، اسکیشهر ك شمال شرقیسنه دوشر ،
آره لرنده ۳۰ کیلومترو مسافه واردر . اون کیلومترو
وسعتنده کی اراضیده ۲۰ بیك قویو کوزه ایلشیر که
آنجق ۱۵۰ قدری معدنی بیتیرمه مشدر . دیگرلری
معطل برحالده در . اورانك اهالیسنك افاده سنه باقیلیرسه
بو قویولر همان اون عصر دن بری ایشله دیکدی حالده
توکنمك استعدادی کوسترمه مشدر . فی الحقیقه لوله

دورت بویه آیدر قدن سوکره کنندی اعمالاتخانه لرنده
یونته رق، حک ایدرک کوردیکمز اشکال ظریفده
مصنوعات میدانه کتیر لر . بوایشلرده ۱۱۰۰ عمله
چالیشمقده در .

برسنده چیقاریلان معدن طاشنک مقداری ۱۲۰
الی ۱۵۰ طونیلاتویه بالغ اولمقده در .

کنعان رقت



فورطنه لر

مابعد

هند غربی آطه لری آره سنده فورطه بالنسبه دها آر
برساحیه اجرای تاثیر ایدر . یعنی بورالرده فورطنه نك
ساحه تأثیری ۱۰۰ میله بیله واصل اوله ماز . لیکن فورطنه نك
دائرة تأثیرینك آزماسی نسبتده شدتی آرتدیغندن بورالرده
اجرا ایله دیکی تخریبات دیگر آچیق محللرده کندز دها
زیاده اولور . ایشته بوسیدندرکه هند غربی « هاریقان »
فورطنه لری شدت نقطه نظرندن صوك درجه ده شهرت
بولمشلردر .

« هاریقان » فورطنه لری مرکز لری نك حرکت لری
ایله هاریقان روزکاری سرعت حقیقه لری بیننده هیچ
برمناسبت موجود دکلدرد . فورطنه نك مرکزی اطرافنده
دقیقه واحده ده کی سرعتی بر میل حتی بوندن بیله فضلدر .
« هاریقان » فورطنه لری نك طبیعت معلومه مخصوصه سندن
فورطنه مرکزینه یقین اولان نقطه لرده بوسرعت نك دها
زیاده اوله جنی آشکاردر . فی الحقیقه فورطنه مرکزینه
تقرب ایدلرکه سرعت تزايد ایتمکده ، روزکارده برتحول
عارض اولمقده در .

پوصله نك هر هانکی بر کرته سندن هبوب ایتمکده
اولان هاریقانک طریق سیری اوزرینه تصادف ایدن
برکمی تمامیه فورطنه مرکزی اوزرنده بولندیفی انشاده ،
برمدت قایله ایچون ، سکونت کاملیه تصادف ایدر .
بو حال ، پوصله نك مقابل کرته سندن ظهور ایده جک
شدتلی روزکارک هبوبنه مقدمه در . کمی فورطنه مرکزینی
کچرکچمز « بارومتره » ارتفاعی آغیر آغیر یوکسامکه باشلار .

هواده وقوعه کله جک تحولاتی وقتندن ارل خبر
ویره جک ویردیکی خبره اعتماد اولنه جق آلت هیچ شبهه
یوقددرکه « بارومتره » [میزان الهوا] در . بارومتره
جیوه ستوننک ارتفاعی احوال هوایه نظراً هر آن تحوله
معروضدر . بو تحول ، منطقه حاره داخلده بولنل
واقعه ده جزئی ودها منتظمدر . هوانک احوال
عادیه سنده منطقه حاره داخلنده بارومتره جیوه ستوننک
ارتفاع جهتیه اولان نخلفی پک نادر اوله رق بر پوسک
۱۰ ده برینی تجاوز ایتمکده در . بارومتره ارتفاعده
بوحدی تجاوز ایتک اوزره بر تخلف مشاهده اولنورسه
هواده تحولاتک وقوعه کله جکی آکلاشیلملیدر .

منطقه حاره داخلنده بارومتره لر حقتده صوك درجه ده
غربی بر حال مشاهده ایدلرکه در . منطقه مذکوره
داخلنده بولنلن بارومتره جیوه ستوننک ارتفاعی بهر
کون دورت دفعه تحوله دوچار اولمقده در . ارتفاعه عارض
اولان بوتبدل ساکن وکوزل هوالرده هر کون ایچون
منتظمدر . یعنی جیوه ستونی هر کون قبل الزول
وبعد الزوال ساعت ۱۰ ده ارتفاع اعظمیسنه واصل
اولور . قبل الزوال وبعده الزوال ساعت ۴ ده ایسه ارتفاع
اصغریسنه تنزل ایدر . تجارب متعدده نتیجه سی اوله رق
بارومتره ارتفاعنک مقدار اعظمی واصغریسی بیننده کی
بوفرقت عمومیتله پوس اوله رق قبول ایدلشدر .
بو حالده صباحین ساعت ۱۰ ده بارومتره ارتفاعی ۱۰ ده
بر پوس ترفع ایتیه جک اولورسه هواده تحولات وقوع
بوله جنی در حال آکلاشیلملیدر .

دوار فورطنه مرکز لری نك تعیین موقع لری ایچون
قاعده آتیه جاریدر :

« فورطنه مرکزی شمال عرضلرنده اسن روزکارک
استقامتمدن سکز کرته (۹۰ درجه) صاغ طرفده
وجنوب عرضلرنده سکز کرته صول طرفده در »

بقاعده عمومیه موجبنجه شمال عرضلرنده قره یل
[شمال غرب] دن طوغری وزان اولان بر روزکار
دوار فورطنه مرکزینک « پوراز » استقامتمده بولدیغنی
کوستره جکدر . بناء علیه روزکارک جهت وزاتی دائمی
نظر ترصدده بولندیرمق ایله دوار فورطنه مرکزینک